



LINYON

Pibliksayon Linyon Demokratik Seselwa

Vol. 3

No. 3

Le 11 Me 2018

Konbat Fleo Drog BEZWEN. FODRE. KAPAB.

Nou dan en nespes dezespwar lo sa ki konsern drog. Gouvèrnman in apwent en nouvo gran sef pour lalit kont sa fleo. Sa se Dr. Patrick Herminie, ansyen Speaker Lasanble Nasyonal.

Dr. Herminie ti lo televizyon semenn pase. Me in les nou dan pli gro dezespwar. Sel keksoz ki i'n kapab fer se konfirman ki nou No. 1 pour labi drog dan lemond antye, an proporsyon nou popilasyon.

Herminie in zis rabase san ki i donn en lide kler lo sa ki kapab fer. Lannen pe koule e sel keksoz ki nou war se ki problem pe vin pli grav.

Herminie, nou konnen in vin rod en gro bidze e i anvizaze fer en gro program pour konbat sa problem. Nou napa problem ek en gro bidze, akoz nou devre pare pou depans sa ki nesese pour rezourd sa problem. Be nou bezwen war en plan ki pou marse.

La nou tandé ki i annan menm plan pour donn sereng bann prizonyen Montagne Posee. Sa i en kapitilasyon total. I vèdir ki nou pa kapab fer naryen pou aret drog antre dan prizon. Me akfer

nou met dimoun dan prizon pour servi drog, si apre nou les zot kontinyen servi drog dan prizon e menm ed zot. Plito les zot deor.

Sa fleo drog pe demolir fondasyon nou sosyete. Nou lekonomi, nou sistem ledikasyon, nou fason viv e nou lord sosyal – tou sa la i ganny menase par sa problem drog. Ozordi dan serten blok flat, i annan zabitan ki pa kapab ouver zot laport akoz trafik drog i dan leskalye e adik i pike lanmenn la.

Napa lavenir pour Sesel si napa en zolisyon pour problem drog. I kler ki fodre annan en solisyon. Me serten in komans kwar ki pa posib.

Nou dan LDS, nou pa pare aksepte ki nou'n perdi lalit kont drog.

Nou kapab war en solisyon pour problem drog. Byen sir i enn ki pou demann lavolonte e determinasyon feros. Tou lotorite i bezwen travay ansanm. Me premye, nou bezwen aret zwe otour sa problem. Pa kapitile. Pa donn sereng dan prizon. Anpes drog antre dan prizon.

Dan lasosyete antye, annou konbat lo tou nivo pou elimin fleo drog.

NOUVO SKANDAL LARZAN- STAD LANMIZIK

Lasanble Nasyonal in devwal en nouvo skandal ki pou montre en lot ka koripsyon e labi. Sa voyaz i Stad Lanmizik.

An 2015, Alain St. Ange, ki sa letan ti Minis Touris ek Kiltir, ti dewvale ki en nouvo stad lanmizik pe al ganny konstrir lo laplenn devan Krishna Mart. Premye faz sa proze ti pou konplete an Zen sa menm lannen. Dan premye faz, sa stad ti pou kapab pran 8,000 spektater. Ler dezyenm faz ti pou fini, sa stad ti pou kapab pran 15,000 spektater.

Malerezman, parey plizyer proze ki Gouvèrnman Parti Lepep i'n antreprann, 3 zan plitar i pankor konplete e i pou kout 3 fwa plis ki ti'n prevwar.



Sa proze in vin en lot lekzamp move planifikasyon e move kontrol lo finans. Byento bann ki responsab pou vin devan FPAC pou reponn kestyon ki manyer sa proze pankor fini ek kote tou sa larzan in ale. Azout ankor enn lo lalis bann ka ki montre kote Parti Lepep in rin nou pei pandan ki bann ki byen plase in profite.

SADEC I ONOR WAVEL RAMKALAWAN



Bann pei manm SADEC in fer loner enn nou dirizan avek eleksyon Wavel Ramkalawan koman tyermenn pour Komite Lademokrasi, Gouvèrnans ek Drwa Imen dan sa lorganizasyon. Son lapwentman i pou 2 zan e i fer premye fwa ki en Seselwa i ganny mete dan sa pozisyon.

Sa komite I tre enportan akoz se li ki get tou bann drwa lademokrasi ek drwa imen bann pei Sid Lafrik. Zot osi swazi e anvoy bann obzervater letan I annan eleksyon dan bann pei SADC. SADC PF I konpri 14 pei dan lafrik e I osi enkli Moris ek Sesel dan Losean Endyen.

Avek son apwentman dan sa pozisyon, Onorab Ramkalawan pa zis fer loner Lasanble Nasyonal me osi nou pei Sesel ek LDS. LDS I pran sa loportinite pou felisit Onorab Ramkalawan pou sa nouvo apwentman e pou sa bon travay ki li ek son lekipe fer dan Lasanble Nasyonal.

Nou konnen ki nou bann dirizan i kapab fer en louvraz formidab dan la rezyon e dan lemond. Me, nou konsyan ki bann responsabilite Sesel i bezwen annan priorite. I annan bokou travay pou nou fer e byen ki nou tia kontan fer Sesel ganny rekonnet dan lemond, letan i manke pour sa travay.

TRAVAY MNA PREA POUR DEVLOPMAN BEL OMBRE I ANMENN REZILTA

Manm Lasanble Nasyonal pour Bel Ombre, Nicholas Prea, pe war son zefor lo en proze pe donn rezilta.

En pe letan pase, Lasosyasyon Peser Bel Ombre ti met devan sizesyon pou fer en devlopman lo sa bout later konble kot zot mouy zot bato.


Sete la ki Onorab Prea ti zwenn ek zot pou donn en koudmen pou fer sa lide vin en reisit. I ti pran kontak ek bann lotorite konsernen dan Gouvernman e apre 4 rankont ant bann peser, zabitan Bel Obre ek Onorab limenm, finalman en plan ti ganny aprouve.

Finansman pou sa proze pou ganny fer par Gouvernman ek bann biznes prive. Enn fwa ki finansman inn ganny aprouve e proze inn fini, sa landwra pou annan bann fasilite parey en bazar pwason, bar, restoran, devlopman touristik, stasyon petrol pour bann bato, kafeteria, lofis pou travayer por, landwra pour mouy bato, en batiman pou anbankman e debarkman bann pasaze ki al lo bann bato charter. Sa proze l ekspekte demare pandan sa lannen.

Sa i ava en bon lekzanp langazman MNA dan son kominote.

MERITON I KAS RIKORD GRO LAKAZ

Vis Prezidan Meriton, ki osi Prezidan Parti Lepep, in decide pou li konstrir en gro lakaz Sorento, Glacis. Sa batiman, ki plis en sato ki en lakaz, l deza annan 5 letaz e l lo en gran kare later.



Sa konstriksyon i montre ki sa ki annan dan nou pei i annan menm. Byen sir, Msye Meriton i a dir, dan stil Parti Lepep, ki sa i zis enn tipti lakaz. I tia enteresan konn laverite lo ki manyer in manye son saler lafen-di-mwan pour pey pour sa grander lakaz.

Lo son kote, i pa oule aksepte pour dir sa lakaz pou li alors l dir ki sa landwra pou son fiy ki'n ne Larisi. Dan sa ka i en fiy byen sanse e Papa Vincent pou osi en zonnm byen sanse si son fiy i donn li sa lakaz koman son kado depar lo lasenn politik. Pa mal ditou!

NETWAYAZ LANS PAR ZENN LDS


Lasosyasyon zenn LDS ti semen pase fer en kanpanny netway lans Pointe Au Sel, Au Cap.

Dan sa group ti annan MNA Au Cap, Onorab Stephen Pillay, Chairman Lasosiasyon zenn LDS, Aaron Bonnelame, bann manm ekzekitiv komite sa lasosiasyon ek bann aktivis LDS dan sa distrik. Sa aktivite l enn parmi plizyer ki sa group zenn pe organize dan bann distrik. Bi se pou travay ansanm avek bann MNA ek zot bann aktivis e fer en kontribisyon dan byenet bann kominote.



Prosen aktivite kominoter sa group pou fer Sanmdi le 2 Zen, Port Glaud. lo lans devan ansyen Mahe Beach Hotel kot ankor enn fwa pou annan en netwayaz lans. Tou zenn l ganny envite pour vin partisipe.

NOUVO REPREZANTAN LDS POUR CASCADE GEORGE MADELEINE



LDS i annan plezir entrodwir son Repezantan pour distrik Cascade, Msye George Madeleine. I ranplas Msye Francois Rose.

Dabor, nou dir en gran mersi Msye Rose pour son travay pandan sa 2 dernyen lannen. In anmenn en kontribisyon enportan dan lev prezans LDS dan Cascade.

George Madeleine i byen fami-lye dan sa distrik akoz in deza fer bokou travay laba. In ganny demande pour rebran par siporter dan distrik ansanm avek dirizan LDS.

Nou apel bann aktivis ek siporter Cascade pour ralye otour Msye Madeleine pour nou donn en nouvo langazman sa distrik, avek bi met li dan pake LDS dan Lasanble.

Cascade i annan en kantite problemn apre ki zot MNA in inyor son distrik. Fer en sanzman.

LASOSYASYON ZENN LDS LO PRASLIN EK LA DIGUE

LASOSYASYON ZENN LDS PE ORGANIZ EN MITING POU FORMASYON KOMITE ZENN INNER ISLANDS (PRASLIN EK LA DIGUE) VANDREDI 18 ME, 5 ER EDMI, KOT LOFIS MNA WAVEL WOODCOCK, GRAND ANSE PRASLIN.

TOU ZENN SA BANN ZIL I GANNY ENVITE